

Na temelju člana 6. Odluke o utvrđivanju uvjeta, kriterija i postupaka za raspodjelu namjenskih sredstava od ekoloških naknada Ministarstva prostornog uređenja i zaštite okolice Tuzlanskog kantona, Ministarstvo objavljuje:

JAVNI POZIV

za sufinansiranje mjera smanjenja zagađenosti zraka na području Tuzlanskog kantona fizičkim licima

I. PREDMET JAVNOG POZIVA

Predmet javnog poziva je dodjela namjenskih sredstava od ekoloških naknada Ministarstva prostornog uređenja i zaštite okolice (u daljem tekstu Ministarstvo) za 2021. godinu, fizičkim licima, za sufinansiranje mjera smanjenja zagađenosti zraka. Pod mjerama smanjenja zagađenosti zraka podrazumijeva se zamjena postojećih kotlova ili kamina za centralno grijanje na fosilno gorivo (ugalj) kotlovima ili kaminima na pelet, u postojećim individualnim stambenim i individualnim stambeno-poslovnim objektima na području Tuzlanskog kantona.

Predmet javnog poziva nisu zgrade koje imaju upravitelja prema Zakonu o korištenju, upravljanju i održavanju zajedničkih dijelova i uređaja zgrade („Službene novine Tuzlanskog kantona“, broj: 14/15) (obaveza izbora upravitelja se odnosi na zgrade koje imaju dva ili više etažnih vlasnika i više od 4 stana).

II. IZNOS SREDSTAVA ZA SUFINANSIRANJE

Ukupan iznos sredstava predviđen za sufinansiranje mjera smanjenja zagađenosti zraka na području Tuzlanskog kantona u 2021. godini, po ovom javnom pozivu je 500.000,00 KM. Dodjela sredstava za sufinansiranje mjera smanjenja zagađenosti zraka vrši se u iznosu do 50% od vrijednosti zamjene postojećeg kotla ili kamina za centralno grijanje na fosilno gorivo (ugalj) kotlom ili kaminom na pelet, a maksimalno 2.000,00 KM. U toku budžetske 2021. godine podnosilac prijave može ostvariti pravo na sufinansiranje samo jedan puta.

III. PREDMET PRIJAVE NA JAVNI POZIV

Predmet prijave na javni poziv su individualni stambeni i individualni stambeno-poslovni objekti na području Tuzlanskog kantona, čiji su vlasnici/posjednici fizičke osobe, pod uslovom da se za zagrijavanje ovih objekata koriste kotlovi ili kamini sa pogonom na fosilno gorivo (ugalj), da nisu priključeni na sistem daljinskog grijanja i da se ovi objekti koriste za stanovanje.

IV. POTREBNA DOKUMENTACIJA

Podnosilac prijave dužan je dostaviti slijedeće dokumente kojima dokazuje da ispunjava uvjete za dodjelu sredstava za sufinansiranje mjera smanjenja zagađenosti zraka:

a) dokaz o prijavljenom prebivalištu na adresi objekta koji je predmet prijave na javni poziv – obrazac izdat od strane CIPS-a, ne stariji od 6 mjeseci računajući od objave javnog poziva,

(b) zemljišnoknjižni izvadak ili posjedovni list, ne stariji od 6 (šest) mjeseci, izdat od strane Općinskog suda ili nadležne općinske/gradske službe, za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv.

NAPOMENA: ukoliko podnosilac prijave živi u zgradi koja nema upravitelja prema Zakonu o korištenju, upravljanju i održavanju zajedničkih dijelova i uređaja zgrade, tada podnosilac prijave dostavlja uvjerenje od nadležnog zemljišnoknjižnog ureda pri općinskom sudu, o broju etažnih jedinica za zgradu u kojoj podnosilac prijave posjeduje stan, ne starije od 6 mjeseci),

(c) dokaz da je objekat koji je predmet prijave na javni poziv uplanjen (kopija katastarskog plana) ili dokaz da je pokrenut postupak legalizacije objekta koji je predmet prijave (potvrda općine/grada) ili rješenje o građevinskoj dozvoli izdato od nadležne općinske/gradske službe,

(d) izjavu podnosioca prijave, ovjerenu kod nadležnog organa:

- da je saglasan da će Komisiji formiranoj od strane Ministarstva osigurati pristup objektu u cilju utvrđivanja činjenice da se za zagrijavanje objekta koji je predmet prijave na javni poziv kao energent koristi fosilno gorivo (ugalj),

- da po izvršenoj ugradnji kotla ili kamina za centralno grijanje na pelet isti neće otuđiti i koristiti kotao ili kamin za centralno grijanje na fosilno gorivo (ugalj) za zagrijavanje objekta,

- da u proteklom periodu nije koristio sredstva iz Budžeta kantona ili drugog nivoa vlasti u BiH, namijenjena zamjeni kotlova ili kamina na ugalj kotlovima ili kaminima na pelet,
- (e) izjavu suvlasnika ili suposjednika, ovjerenu kod nadležnog organa, kojom se daje saglasnost za implementaciju mjera u objektu koji je predmet prijave na javni konkurs (ova izjava se dostavlja ukoliko je objekat, odnosno parcela u suvlasništvu ili suposjedništvu),
- (f) prijavni obrazac ispunjen i potpisan i
- (g) original ili ovjerena kopija dokumenta od banke (potvrda, uvjerenje, obavijest i sl.), ne starije od šest mjeseci na kojem je vidljiv broj bankovnog računa na koji će se eventualno izvršiti uplata sredstava i naziv banke (navedeni dokument dostavlja se obavezno prilikom potpisivanja ugovora).

Obrasci izjava iz podtački d), e) i f) su u prilogu ovog javnog poziva i podnosioci prijave iste mogu preuzeti na zvaničnoj web stranici Vlade Tuzlanskog kantona (vladat.kim.ba).

Podnosilac prijave je dužan dokaze o ispunjavanju uvjeta za dodjelu sredstava za sufinansiranje dostaviti u originalu ili ovjerenoj fotokopiji od nadležnog organa, ne starije od 6 mjeseci, uz obaveznu naznaku kućne adrese i broja telefona podnosioca prijave.

V. DODJELA SREDSTAVA

Liste prijave na javni poziv, koje ispunjavaju uslove javnog poziva objavljuju se na web stranici Vlade Tuzlanskog kantona. Na listu podnosilac prijave može podnijeti prigovor ministru Ministarstva prostornog uređenja i zaštite okolice, u roku od 8 (osam) dana, računajući od dana objave liste. Nakon objave konačne liste zaključit će se ugovor o sufinansiranju između Ministarstva i podnosioca prijave koji se nalazi na konačnoj listi, a koji će sadržavati prava, obaveze i odgovornosti ugovornih strana.

Nakon zaključenja ugovora podnosilac prijave će izvršiti zamjenu kotla ili kamina na fosilno gorivo (ugalj), te Ministarstvu dostaviti račun za nabavku i ugradnju kotla ili kamina (fiskalni – original ili duplikat fiskalnog računa), dokaz o izvršenom plaćanju računa od strane podnosioca prijave (izvod iz banke ili kopija uplatnice) i zapisnik o zamjeni kotla ili kamina i puštanju u rad kotla ili kamina na pelet (obraci zapisnika se nalaze u prilogu javnog poziva, podnosioci prijave iste mogu preuzeti na zvaničnoj web stranici Vlade Tuzlanskog kantona (vladat.kim.ba)). **Račun ne može biti izdat prije zaključenja ugovora između Ministarstva i podnosioca prijave.**

Dodjela sredstava će se izvršiti nakon što podnosilac prijave u potpunosti završi zamjenu kotla ili kamina i dostavi navedene dokaze i zapisnike, a prema vremenu zaprimanja prijave i dostavljanju dokaza o provedenoj zamjeni.

Podnosioci prijave sa kojima se zaključi ugovor dužni su izvršiti zamjenu kotla ili kamina u roku od 2 mjeseca od dana zaključenja ugovora. Podnosioci prijave koji ne ispune uslove iz ugovora biće dužni vratiti dodijeljena sredstva.

VI. ROK I NAČIN PODNOŠENJA PRIJAVA NA JAVNI POZIV

Javni poziv ostaje otvoren do 30.06.2021. godine, a objavit će se u dnevnim novinama, na oglasnoj tabli i web stranici Vlade Tuzlanskog kantona. Neblagovremene prijave i prijave koje nisu dostavljene u skladu sa tačkom IV. Javnog poziva neće se uzeti u razmatranje. Prijave na javni poziv sa propisanom dokumentacijom dostavljaju se u zatvorenoj koverti putem protokola Vlade Tuzlanskog kantona ili preporučeno poštom na adresu: **Ministarstvo prostornog uređenja i zaštite okolice Tuzlanskog kantona, Rudarska 65, 75000 Tuzla, Bosna i Hercegovina**, sa naznakom: „*Prijava na Javni poziv za sufinansiranje mjera smanjenja zagađenosti zraka na području Tuzlanskog kantona za 2021. godinu – NE OTVARATI*“. Sve dodatne informacije o načinu i postupku učešća u javnom pozivu mogu se dobiti u Ministarstvu prostornog uređenja i zaštite okolice TK, direktno ili putem telefona +387 35 369 – 428 u vremenskom periodu od 12:00 do 14:00 h.

NAPOMENA: Prijave korisnika sredstava koji su ostvarili pravo na subvenciju za zamjenu kotla ili kamina u 2020. godini će biti odbačene. Podnosioci prijave koji su izvršili zamjenu kotla ili kamina prije objave Javnog poziva neće se uzeti u razmatranje.

Ukoliko broj prijave bude premašivao raspoloživi iznos sredstava, Ministarstvo zadržava pravo da zatvori Javni poziv prije naznačenog roka.